



REPUBLIKA E KOSOVËS / REPUBLIKA KOSOVA / REPUBLIC OF KOSOVO	
AGJENCIA KUNDËR KORRUPSIONIT AGENCIJA PROTIV KORUPCIJE ANTI-CORRUPTION AGENCY	
Dep. Dep. <u>DPKI</u>	Nr. Prot. Br. Prot. <u>06-2876/19</u> Prot. No.
Nr. lfaq Broj stranica <u>02</u> Nr. pages	Data Datum <u>05-11-2019</u> Date
SHQITËRIE / SHQITËRIE / KOSOVO	



Republika e Kosovës
Republika Kosova-Republic of Kosovo

AGJENCIA KUNDËR KORRUPSIONIT
AGENCIJA PROTIV KORUPCIJE
ANTI-CORRUPTION AGENCY

Në mbështetje të nenit 5 paragrafi 1, nëparag. 1.5, nenit 11 paragrafi 1, nëparag. 1.1, nenit 18 paragrafi 10 dhe 11 të Ligjit nr. 03/L-159 për Agjencinë kundër Korrupsionit, si dhe nenit 7 paragrafi 4 të Rregullores nr. 01/2018, për Ndryshimin dhe Plotësimin e Rregullores Nr. 01/2014 dhe Rregullores Nr. 01/2017 të Punës së Agjencisë Kundër Korrupsionit, Drejtori i Agjencisë kundër Korrupsionit, me datë 04.11.2019, mori:

V E N D I M

- I. Mbyllet rasti me nr. *AKK-DPKI-06-02/2231/19*, për zyrtarin e lartë publik z. Agim Behluli, Anëtar i Kuvendit Komunal në Komunën e Podujevës, për shkak se është shmangur gjendja e konfliktit të interesit në ushtrim të funksionit publik.
- II. Rasti mund të rihapet në çdo kohë kur mund të paraqiten rrethana të reja.

A r s y e t i m

I. Rasti i hapur nën dyshimin për konflikt interesi në ushtrimin e funksionit publik për zyrtarin e lartë publik z. Agim Behluli - Anëtar i Kuvendit Komunal në Komunën e Podujevës, është trajtuar sipas procedurës së paraparë me Ligjin nr. 06/L-011, për Parandalimin e konfliktit të interesit në ushtrimin e funksionit publik.

Rasti ka filluar të trajtohet pasi që është identifikuar se zyrtari i lartë publik z. Agim Behluli, si Anëtar i Kuvendit Komunal në Komunën e Podujevës, njëkohësisht është edhe person i autorizuar në biznesin privat "Agim H. Behluli" B.I. (NTP "KOS COMMERC"). Agjencia kundër Korrupsionit (në vijim Agjencia), me qëllim të verifikimit të gjendjes së konfliktit të interesit ka kërkuar nga Agjencia e Regjistrimit të Bizneseve në Kosovë (ARBK), sigurimin e informatave për biznesin në fjalë (shkresa zyrtare DPKI-06-01/2337/19). Nga informatat për biznesin të pranuar nga ARBK (DPKI-06-2337-1/19), konstatohet se zyrtari i lartë z. Agim Behluli, është person i autorizuar në biznesin e sipërshtënuar.



Agjencia, me shkresën zyrtare DPKI-06-01/2335/19 të datës 30.09.2019, e ka njoftuar zyrtarin e lartë për fillimin e shqyrtimit të gjendjes së konfliktit të interesit. Pas kësaj, është organizuar një takim me zyrtarin e lartë në zyrat e Agjencisë.

Gjatë këtij takimi z. Agim Behluli është njoftuar me faktet që posedon Agjencia. Zyrtari i lartë gjatë ushtrimit të funksionit publik nuk mund të jetë person i autorizuar në biznesin privat, për faktin se një situatë e tillë paraqet gjendje të konfliktit të interesit. Kjo ndalohet me dispozitën e nenit 13, paragrafi 1 të Ligjit nr.06/L-011, për parandalimin e konfliktit të interesit në ushtrimin e funksionit publik, ku përcaktohet se:

“Zyrtari i lartë nuk mund të jetë menaxher, përfuqësues i autorizuar ose anëtar i ndonjë organi menaxhues apo mbikëqyrës i personave juridikë privatë, fitimprurës sipas ligjit përkatës për shoqëritë tregtare dhe organizatave joqeveritare, përjashtuar subjektet e përcaktuara në nenin 14 të këtij ligji, subjektet politike si dhe rastet kur një funksion i tillë i dedikohet me ligj për shkak të funksioni”.

Zyrtari i lartë z. Agim Behluli, është pajtuar me konstatimet e Agjencisë, gjegjësisht ka pranuar se është duke ushtruar funksionin Anëtar i Kuvendit Komunal në Komunën e Podujevës dhe njëkohësisht është person i autorizuar në biznes privat. Por, ka deklaruar se nuk e ka ditur që kjo është në kundërshtim me Ligjin nr. 06/L-011, sepse menjëherë do të vepronte për ta shmangur këtë situatë dhe ka premtuar se do të ndërmarrë veprime në mënyrë që ta shmangë gjendjen e konfliktit të interesit.

Ndërkohë, më datë 22.10.2019, Agjencia ka pranuar shkresën zyrtare (DPKI-06-2609/19), me të cilën dëshmohet se zyrtari i lartë ka bërë ndryshimet në biznes. Pas analizimit të informatës mbi biznesin, Agjencia konstatoi se zyrtari i lartë z. Agim Behluli, ka bartur drejtimin të biznesit privat tek personi i besuar dhe se tani z. Agim Behluli mund ta ushtroi funksionin e tij publik pa konflikt interesi.

Nga sa u tha më lartë, me veprimet që i ka ndërmarrë zyrtari i lartë është shmangur gjendja e konfliktit të interesit në ushtrimin e funksionit publik. Andaj u vendos si në pikën I, të dispozitivit të këtij vendimi.

II. Në mbështetje të nenit 18 paragrafi 11, të Ligjit nr. 03/L-159 për Agjencinë kundër Korrupsionit, Agjencia mund të rihapë rastin në çdo kohë nëse paraqiten rrethana të reja.

Vendimi iu dërgohet:

- Zyrtarit të lartë publik
- Drejtorit të DPKI- së
- Z./znj. (zyrtari përgjegjës)

Shaip Havollli
Drejtor i Agjencisë kundër Korrupsionit

